

REGLUGERÐ**um matartækna.****1. gr.**

Rétt til þess að starfa sem matartæknir hér á landi og kalla sig matartækni hefur sá einn, sem til þess hefur fengið löggildingu heilbrigðismálaráðherra.

2. gr.

Löggildingu samkvæmt 1. gr. skal veita þeim, sem lokið hafa prófi á matvæla-tæknibraut fjölbrautaskóla eða öðru prófi sem heilbrigðisyfirvöld viðurkenna.

3. gr.

Matartækni er skylt að gæta þagmælsku um atriði, sem hann fær vitneskju um í starfi sínu og leynt skuli fara samkv. lögum um eðli máls. Þagnarskylda helst þótt viðkomandi láti af starfi.

4. gr.

Matartæknar skulu annast matreiðslu sérfæðis fyrir sjúka samkvæmt nánari skipun læknis eða annars sérfræðings undir handleiðslu og ábyrgð þeirra.

5. gr.

Óheimilt er að ráða til matartæknistarfa aðra en þá sem heilbrigðismálaráðherra hefur veitt starfsréttindi hér á landi.

6. gr.

Um matartækna gilda að öðru leyti og eftir því sem við á, reglur læknalaga nr. 80/1969.

Reglur læknalaga gilda um viðlög við brotum í starfi, um sviptingu starfsréttinda réttinda og erdurveitingu.

7. gr.

Reglugerð þessi, sem sett er samkvæmt heimild í lögum nr. 67/1971. um tæknimenntaðar heilbrigðisstéttir, öðlast gildi þegar við birtingu.

Heilbrigðis- og tryggingamálaráðuneytið, 30. apríl 1981.

Svavar Gestsson.

Páll Sigurðsson.

REGLUGERÐ

**um breytingu á reglugerð nr. 50 19. febrúar 1976
fyrir Vatnsveitu Sauðárkrókskaupstaðar.**

16. gr. orðist svo:

Af öllum fasteignum, sem vatnsskattskyldar eru samkvæmt 15. gr. skal greiða árlegan vatnsskatt, sem er 0.27% af heildarmati hverrar fasteignar, þó eigi minna en kr. 25 af m³ hverrar byggingar.

Gjalddagi skatts samkvæmt þessari grein er sá sami og gjalddagi fasteignaskatts.

B 53

Endurprentað blað.

Reglugerð þessi, sem samín er og samþykkt af bæjarstjórn Sauðárkrókskaupstaðar, staðfestist hér með samkvæmt vatnalögum nr. 15 20. júní 1923 til þess að öðlast gildi þegar í stað.

Félagsmálaráðuneytið, 6. apríl 1981.

F. h. r.

Hallgrímur Dalberg.

Hólmfríður Snæbjörnsdóttir.

REGLUGERÐ

**um breyting á reglugerð nr. 634 30. desember 1980
um vörugjald með áorðnum breytingum.**

1. gr.

2. mgr. 6. gr. reglugerðarinnar orðist svo:

Þegar almenn verðlagning framleiðanda er miðuð við heildsöluverð reiknast vörugjald 7% og 17%, sbr. 1. gr., á 87,45% heildsöluverðsins. Svarar það til 6,12% og 14,87% af heildsöluverði án nokkurs frádráttar á kostnaði, svo sem umboðs- eða sölulaunum, afslætti eða öðrum gjöldum. Þegar selt er með söluskatti reiknast gjaldið á vöruverð án söluskatts en vörugjald myndar stofn til söluskatts.

2. gr.

Reglugerð þessi sem sett er samkvæmt heimild í 6. gr. laga nr. 77 23. desember 1980 um vörugjald, sbr. 3. gr. laga nr. 12 30. apríl 1981 um verðlagsaðhald, lækkun vörugjalds og bindiskyldu innlánsstofnana, gildir frá og með 1. maí 1981.

Fjármálaráðuneytið, 8. maí 1981.

Þorsteinn Geirsson.

Sigurgeir A. Jónsson.

AUGLÝSING

um náttúruvætti.

Samkvæmt heimild í 22. gr. laga nr. 47/1971 um náttúruvernd hefur Náttúruverndarráð fyrir sitt leyti ákveðið að friðlýsa sem náttúruvætti Fjallfoss og aðra fossa í Dynjandi í Arnarfirði ásamt umhverfi þeirra á Dynjandisvogi.

Mörk náttúruvættisins eru: Frá odda Meðalness upp í fjallseggjar og með fjallsbrúnum umhverfis voginn og Dynjandisdal allt að mörkum jarðarinnar Dynjandi á Urðarhlíð og með þeim til sjávar í Deild. Þaðan með sjávarströnd að Melanesi. Þessar reglur gilda um svæðið:

1. Í friðuninni felst að ekki má skerða vatnsrennsli til fossanna. Gildir þetta einnig utan hins friðlýsta svæðis, að Stóra Eyjavatni og aðrennslissvæði þess undanskildu. Um hugsanlega vatnsmiðlun þar er skylt að hafa samráð við Náttúruverndarráð.
2. Mannvirkjagerð og jarðrask, svo og aðrar breytingar á landi eru háðar leyfi Náttúruverndarráðs.